

UN VOTO PA UN CAMBIO

JENNIFER TA CONTA CU BO VOTO

ESAKI t'e siman culminante pa pais Aruba caminda nos lo sali y eherce nos derecho di voto. Un voto sagrado, un voto consciente pero mas ainda un voto p'e persona cu abo kier wak den parlamento y cu t'e persona cu abo ta confia pa eherce bo voz den e organo di mas halto di pais Aruba. E voto di confiansa pa hiba Aruba den un otro direccion, e direccion di prosperidad y progreso pa un y tur na Aruba.

Jennifer Arends- Reyes, Candidata #6 riba e lista di AVP, a bin ta hiba un campaña serio, transparente, honesto pero tambe un campaña liber di promesanan falso cu no por cumpli. Jennifer a percura, manera semper el a bin ta haci, pa drenta den nos comunidad y bishita cas pa cas pa combersa y scucha kico ta realmente e dolor cu ta biba den nos comunidad.

E preocupacion di cada famia, mama y tatanan soltero, e stranhero cu ta traha duro y kier bay dilanti, e estudiante cu kier un futuro briyante y esnan den sector di turismo un miho bida.

Core un campaña pa 2 luna largo no ta facil, e tin su reto cual t'e factor tempo pero Jennifer a sa di haya e sosten y apoyo for di su ekipo y hunto nan a drenta e comunidad. Dianan largo, anochinan duro pero tur pa un solo proposito, pa 'bolter cos' y hiba Aruba den un direccion nobo, un aire fresco den politica pa Aruba.

Hopi t'esnan cu a perde speranza, of tin e duda pa un partido tradicional pero Jennifer a sa di combersa y hiba e mensahe pa vota pa un gobierno di experiencia, e ta un candidata cu ya tin un trayectoria den e mundo di politica y tabata miembro den parlamento pa dos periodo cu tantisimo cambio di ley tras di su nomber y un sin fin di iniciativanan.

Un hoben profesional cu tin Aruba na pecho pero mas aun tin enseñansa y turismo den su curason.

Nos sistema di enseñansa ta den un decadencia. Nos mucha y hobennan merece mucho mas cu locual tin awor pa ofrece, mester evita cu ta perde interes den estudio y cu lo por conduci na drop outs.

Nos Maestronan mester wordo trata cu mas respet y duna nan e tools y material cu nan mester pa asina modernisa e sistema di Enseñansa, cual ta encera tambe un miho salario pa nos maestronan. Nos mester por crea futuro lidernan di mañan y esey ta cu un miho sistema di enseñansa so por logra esaki.

Turismo ta enfrentando un cambio y ta toca Gobierno pa alineu cu e direccion nobo cu Oficina di Turismo ta hibando turismo. Un cambio cu un mensahe fuerte riba conscientisacion y conservacion di nos naturalesa pero manteniendo e calidad di e turismo cu Aruba mester atrae.

Como nos unico pilar economico nos turismo ta creciendo pero esnan trahando den e sector aki no ta mira e fruto, alcontrario ta pidiendo p'esnan den sector traha mas hopi, entrega mas dia di trabao pero e compensacion no ta den balansa. Pa nos mantene e calidad di turista riba nos isla, nos servicio y amabilidad tambe mester ta di un nivel halto y esaki bo lo haya ora bo trata bo miembronan di ekipo cu respet y duna nan e compensacion husto y balansa.

E reto ta grandi pero nada no ta spanta Jennifer pa lora manga y traha pa su pais. Aruba mester ta dispuesto pa acepta e cambio y hunto cu bo voto nos lo logra esaki.

Un voto pa Jennifer ta un voto pa un enseñansa prometedor y un turismo stabiel cu beneficio pa tur hende.

Vota number 6 riba e lista di AVP, Vota Jennifer Arends- Reyes!

